



Sarajevo, 21.09.2021

Broj: 484/50 -02/21

Na osnovu Naredbe Kriznog štaba Ministarstva zdravstva FBiH od 09.09.2021. godine, direktor JU „Pozorišta mladih“ Ismir Fazlić donosi:

KRIZNI PLAN PRIPRAVNOSTI I ODGOVORA NA POJAVU KORONAVIRUSA (COVID-19)

Ovim Kriznim planom Javne ustanove „Pozorišta mladih“ (u daljem tekstu: Pozorište) utvrđuju se preventivne mjere u cilju usmjeravanja radnika Pozorišta u okolnostima izazvanim pojmom koronavirusa (COVID-19).

I TIM ZA UPRAVLJANJE KRIZNOM SITUACIJOM

Direktor imenuje Tim za upravljanje kriznom situacijom za dalje poduzimanje neophodnih aktivnosti u vezi sa sprečavanjem širenja zaraze u prostorijama Pozorišta, donošenjem potrebnih radnih uputstava ili instrukcija.

Predstavnici tima su:

1. Adnan Rešić, stručni saradnik za organizaciju
2. Enisa Oručević, higijeničarka
3. Sabina Pezo, higijeničarka
4. Zajim Maguda, domaćin objekta
5. Senad Babačić, portir

II HIGIJENSKO EPIDEMIOLOŠKE MJERE KOJE PROVODE SVI RADNICI FILHARMONIJE

- Obavezno nošenje zaštitne maske preko usta i nosa za zaštitu respiratornog sistema u zatvorenom prostoru
- Smanjenje fizičkog kontakta uz poštivanje minimalnog razmaka od 2 metra
- Preporučuje se sve sastanke održavati on line, ili kada je to neophodno, u što većim prostorijama sa ne više od 7 osoba uz obavezno nošenje maski i poštivanje minimalnog razmaka od 2m
- Prati ruke više puta u toku radnog vremena i dezinfikovati raspoloživim sredstvom za dezinfekciju ruku
- Izbjegavati rukovanja, te potaknuti održavanje razmaka od barem 2m kod razgovora
- Redovno, a najmanje dva puta dnevno provjeravati sve radne prostorije. Za vrijeme održavanja kolektivnih proba, obavezno provjeravati prostor na pauzama proba.

Za provedbu i podsticanje na provedbu navedenih mjeru u sali zadužuju se Oručević Enisa i Sabina Pezo, a ostali članovi tima za ostale prostorije Pozorišta.

III HIGIJENSKO EPIDEMIOLOŠKE MJERE KOJE PROVODE POSJETIOCI

- Kontrolisati dozvoljeni broj posjetilaca u skladu sa preporukama i naredbama Kriznog štaba FBiH i Kriznog štaba Ministarstva zdravstva Kantona Sarajevo
- Svi posjetioci u svakom momentu moraju nositi zaštitnu masku preko usta i nosa
- Svi posjetioci moraju proći dezobarijeru na ulasku u pozorište, dezinfikovati ruke dostupnim sredstvom za dezinfekciju, te omogućiti mjerjenje temperature od strane ovlaštenog radnika
- Osigurati da se na ulazu u pozorište ne stvaraju gužve
- Osigurati da se raspored sjedenja u sali utvrdi na način da su dva prazna mesta između osoba u svakom redu, osim članova istog domaćinstva, ali tako da u redu ispred i redu iza svake osobe bude prazno sjedište (naizmjenični raspored)
- Označiti sjedišta koja se ne smiju koristiti
- Posjetioci moraju ulaziti jedno po jedno uz poštivanje distance, te na isti način napuštati salu

- Osigurati kontinuiranu ventilaciju prostora koji koriste posjetioci.

Za provedbu i podsticanje na provedbu navedenih mjera zadužuje se Zajim Maguda.

IV PRAĆENJE KONTAKATA I SAMOIZOLACIJA BOLESNIH

Radnici Pozorišta u obavezi su da vode računa o osobama sa kojima su u zadnjih 48 sati bili na manjoj fizičkoj udaljenosti od 2 metra i vremenski duže od 15 minuta bez zaštitne maske („bliski kontakt“). Radnik koji je ostvario bliski kontakt sa zaraženom osobom obavezan je odmah po tom saznanju uraditi brzi antigenski test, te se radnim obavezama i kolektivu vratiti tek u slučaju negativnog testa. Svi radnici Pozorišta obavezni su u slučaju pojave simptoma zaraze korona virusom (povišena temperatura / suhi kašalj), ostati kod kuće, te o tome obavijestiti nadležnu zdravstvenu ustanovu, poslati obavijest poslodavcu (email), kao i obavijestiti osobe sa kojima su ostvarili bliski kontakt. Na isti način dužnost svih radnika je postupiti i u slučaju kontakta sa oboljelim.

V MJERE HIGIJENE

1. Svi radnici Pozorišta su obavezni dezinfikovati obuću prilikom ulaska u zgradu pozorišta na postavljenim dezbarijerama, dezinfikovati ruke sredstvom za dezinfekciju postavljenim na ulazu u pozorište, uz nošenje maske za lice i održavanje fizičke distance u svim smjerovima najmanje 2 metra, te dopustiti mjerjenje temperature od strane ovlaštenog portira. Za provedbu ove mjere zaduženi su lično svi radnici.

2. Najmanje jednom dnevno će se:

- dezinficirati električne prekidači u zajedničkim prostorijama, šteke na vratima u zajedničkim prostorijama i kancelarijama, rukohvate u hodnicima, telefone u zajedničkim prostorijama i kancelarijama,
- mehanički očistiti i dezinficirati sve površine u prostorijama u kojima borave radnici Pozorišta

3. Obavezno je u svim prostorima koje koriste radnici i posjetioci obezbijediti dezobarijere na ulazima i sredstva za dezinfekciju ruku.

Za provedbu navedenih mjera čišćenja i dezinfekcije zadužuje se higijeničarka Pezo Sabina, koja je obavezna o dnevnim aktivnostima i čišćenju voditi pisano evidenciju.

Nepridržavanje mjera utvrđenih ovim Kriznim planom od strane radnika i posjetilaca Pozorišta predstavlja kršenje Zakona o zaštiti stanovništva od zaraznih bolesti („Sl. Novine FBiH“, broj:29/05).

NAPOMENA: Ovaj krizni plan mijenjat će se i dopunjavati shodno preporukama i naredbama nadležnih organa.

Dostaviti:

- Oglasna ploča
- Web stranica
- a/a



Direktor:
Ismir Fazlić